

**COFNODION CYFARFOD O FWRDD TYFU CANOLBARTH CYMRU A
GYNHALIWYD TRWY ZOOM AR DDYDD MERCHER, 23^{ain} GORFFENNAF 2020**

YN BRESENNOL

Aelodau Cabinet Cyngor Sir Ceredigion:

Y Cyngorydd Ellen ap Gwynn, Arweinydd Sir Ceredigion ac Aelod Cabinet dros Bolisi a Pherfformiad, Partneriaethau a Gwasanaethau Democratiaidd **(EAG)**

Y Cyngorydd Dafydd Edwards: Aelod Cabinet dros Briffyrdd a Gwasanaethau Amgylcheddol ynghyd â Thai **(DE)**

Y Cyngorydd Catrin Miles: Aelod Cabinet dros Wasanaethau Dysgu a Dysgu Gydol Oes **(CM)**

Y Cyngorydd Rhodri Evans: Aelod Cabinet dros yr Economi ac Adfywio **(RE)**

Y Cyngorydd Gareth Lloyd, Aelod Cabinet dros Wasanaethau Cyllid a Chaffael a Gwasanaethau Diogelu'r Cyhoedd **(GL)**

Aelodau Cabinet Cyngor Sir Powys:

Y Cyngorydd Rosemarie Harris Arweinydd Cyngor Sir Powys **(Cadeirydd) (RH)**

Y Cyngorydd Aled Davies, Deiliad Portffolio ar gyfer Cyllid, Cefn Gwlad a Thrafnidiaeth **(AD)**

Y Cyngorydd Phyl Davies, Deiliad Portffolio ar gyfer Addysg ac Eiddo **(PD)**

Y Cyngorydd James Evans, Deiliad Portffolio ar gyfer Datblygu Economaidd, Tai a Gwasanaethau Rheoleiddio **(JE)**

Y Cyngorydd Heulwen Hulme, Deiliad Portffolio ar gyfer yr Amgylchedd **(HH)**

Swyddogion:

Eifion Evans, Prif Weithredwr, Cyngor Sir Ceredigion **(EE)**

Caroline Turner, Prif Weithredwr, Cyngor Sir Powys **(CT)**

Nigel Brinn, Cyfarwyddwr Corfforaethol Economi a'r Amgylchedd, Cyngor Sir Powys **(NB)**

Clive Pinney, Cyfreithiwr i'r Cyngor, Cyngor Sir Powys **(CP)**

Carwyn Jones-Evans, Rheolwr Gwasanaeth Twf a Datblygiadau Mawr, Cyngor Sir Ceredigion **(CJE)**

Stephen Johnson, Swyddog Arweiniol Corfforaethol: Cyllid a Chaffael, Cyngor Sir Ceredigion **(SJ)**

Fiona Stewart, Cadeirydd y Grŵp Strategaeth Economaidd **(FS)**

Yn bresennol:

Elgan Hearn, Gohebydd Democratiaeth Leol Powys

1. CROESO AC YMDDIHEURIADAU

Cafwyd ymddiheuriad am absenoldeb gan:-

- Arwyn Davies, Rheolwr Corfforaethol Cyngor Sir Ceredigion.
- Russell Hughes-Pickering, Swyddog Arweiniol Corfforaethol: Economi ac Adfywio, Cyngor Sir Ceredigion
- Steve Hughson, Prif Weithredwr Cymdeithas Amaethyddol Frenhinol Cymru ac Is-gadeirydd y Grŵp Strategaeth Economaidd

2. DATGANIADAU O FUDDIANT PERSONOL

Ni wnaed unrhyw ddatganiadau o fuddiant personol.

3.	COFNODION
-----------	------------------

3.1. Cofnodion y Cyfarfod Diwethaf 11/05/20

Cytunwyd ar gofnodion cyfarfod diwethaf Bwrdd TCC a gynhaliwyd ar 11^{eg} Mai 2020 fel cofnod cywir.

4.	BARGEN TWF CANOLBARTH CYMRU: Y DIWEDDARAF A'R CAMAU NESAF
-----------	--

Cafodd yr aelodau'r diweddaraaf a'r camau nesaf ar gyfer Bargaen Twf Canolbarth Cymru o adroddiad a gylchredwyd ymlaen llaw yn dilyn cyflwyno'n ffurfiol y ddogfen Gweledigaeth ar gyfer Tyfu Canolbarth Cymru gan y ddau Arweinydd i Lywodraeth y DU a Llywodraeth Chymru (LIC) ar 22^{ain} Mai 2020.

Rhoddodd CJE y diweddaraaf i'r Aelodau am ddatblygiadau ers y cyfarfod diwethaf gan gynnwys adborth yn dilyn cyfarfod y ddau Arweinydd ag Is-ysgrifennydd Gwladol Seneddol Cymru, David TC Davies AS; y Gweinidog dros yr Economi, Trafnidiaeth a Gogledd Cymru, Ken Skates AS; a'r Dirprwy Weinidog, Lee Waters AS ar 11^{eg} Mehefin a'r gweithdy a gynhaliwyd gyda Gweision Sifil y DU a LIC ar 3^{ydd} Gorffennaf 2020. Nodwyd bod y gweithdy wedi mynd yn dda a chafwyd adborth cadarnhaol ar y ddogfen weledigaeth. Disgwylir adborth ffurfiol o'r Gweithdy gan y ddwy Lywodraeth.

Rhoddodd CJE y Flaenraglen Waith i'r Aelodau a'r cerrig milltir allweddol sydd o'u blaenau, sef gobeithio cyflawni Penawdau'r Telerau erbyn hydref 2020 y cytunwyd arnynt ar lefel portffolio ac a fydd yn cadarnhau cwmplas y fargaen, yr amlen gyllido a'r trefniadau llywodraethu a sicrwydd i gefnogi'r fargaen gyda'r cytundeb bargaen lawn i ddilyn ym mis Mawrth 2021.

Dywedodd CJE y bydd dull portffolio o weithredu yn caniatáu i'r Bwrdd yn unol â'r Is-grŵp Economaidd adolygu buddsoddiadau arfaethedig yn barhaus a bydd yn caniatáu i brosiectau ddod i mewn ar wahanol gamau.

Rhoddodd CJE y diweddaraaf ar sefyllfa'r gyllideb ar hyn o bryd a chadarnhaodd fod y DU a LIC yn cyfrannu £55 miliwn.

Cytunodd yr aelodau y byddai'n fuddiol gwneud ymholiadau pellach gyda'r Llywodraeth ynghylch a fyddai unrhyw arian cyfatebol pellach ar gael o ffynonellau cyllid eraill. Dywedodd CJE fod swyddogion am ddenu cyllid trwy'r cynllun datblygu gwledig ar gyfer Astudiaeth Hydrogen Ranbarthol.

Hysbyswyd yr aelodau bod Cyngor Sir Ceredigion a Chyngor Sir Powys yn y broses o benodi Swyddog Arweiniol Strategol i arwain y gwaith hwn. Dywedodd CJE y bydd angen mwy o gyfathrebu yn y rhanbarth â busnesau a sianeli cyfryngau fel eu bod yn ymwybodol o gyfleoedd buddsoddi. Mae gwefan yn cael ei hadeiladu ar hyn o bryd ac mae ganddi dudalen ddal dros dro.

Tynnodd CJE sylw'r aelodau at y risgiau allweddol a nododd y bydd cofrestrau risgiau strategol a gweithredol ar waith wrth symud ymlaen.

Rhoddodd FS adborth anffurfiol gan aelodau'r Is-grŵp Economaidd a nododd eu bod wedi cytuno'n unfrydol bod cysylltedd yn hynod bwysig i ddatblygiad busnesau yng Nghanolbarth Cymru.

Cytunodd yr aelodau y byddai cyflwyniad gan Swyddogion Digidol Cyngor Sir Ceredigion a Chyngor Sir Powys ar gysylltedd digidol yn fuddiol yng nghyfarfod Partneriaeth TCC ym mis Medi 2020.

CAM GWEITHREDU: Cytunwyd i dderbyn cyflwyniad gan Swyddogion Digidol yng Ngheredigion a Phowys yng nghyfarfod Partneriaeth TCC ym mis Medi.

PENDERFYNIAD: Nododd y Cyd-bwyllgor y diweddaraf a roddwyd heddiw a chytunodd ar y Flaenraglen Waith a amlinellir yn yr Adroddiad i sicrhau'r Fargen ac i gyflawni'r gwaith datblygu manwl.

5. CYLLIDEB TCC AC ADNODDAU

Rhoddodd CJE y diweddaraf i'r Aelodau o adroddiad a gylchredwyd ymlaen llaw ynghylch Cyllideb TCC a'r Adnoddau sydd eu hangen i gyflawni'r Flaenraglen Waith.

Rhoddodd CJE y diweddaraf i'r Aelodau am y sefyllfa ariannol ar gyfer 2020/21. Esboniodd CJE fod y ddau Awdurdod Lleol wedi sicrhau bod £50k yr un ar gael i gyfateb i gyllid LIC. Hysbysodd CJE yr Aelodau fod nifer o ymrwymadau presennol o gyllideb 2020/21 i gynnwys gwefan TCC, costau staff a hyfforddiant staff.

Esboniodd CJE fod balans sy'n weddill i'w ddyrannu oddeutu £170,427.51 a rhoddodd gynigion i'r Aelodau ar sut y mae'r cyllid sy'n weddill yn cael ei ddyrannu ynghyd â phenawdau costau yn cael eu datblygu i gwrdd â'r cerrig milltir allweddol:-

- Cost Staff: Swyddog Strategol Arweiniol (dros dro ar gyfer y cyfnod datblygu).
- Cost Staff: Cymorth Datblygu Portffolio (technegol/gweinyddol).
- Comisiwn: Astudiaeth Hydrogen Ranbarthol (ceisir cyllid gan y Cynllun Datblygu Gwledig).
- Comisiwn: Astudiaeth Ymchwil Gymhwysol (wedi'i gyfateb i gyllid posibl LIC).
- Comisiwn: Cymorth technegol a gomisiynir i gynghori ar Ddatblygu Portffolio.
- Comisiwn: Cymorth Cyfathrebu ac Ymgysylltu.

Cynigiodd CJE i'r aelodau fod unrhyw gyllid sy'n weddill yn cael ei ystyried tuag at sefydlu'r gallu angenrheidiol i symud ymlaen â darpar brosiectau datblygol posibl yn y rhanbarth; fodd bynnag, bydd hyn yn cael ei gadarnhau gyda LIC.

Hysbysodd CJE yr Aelodau nad y swyddfa ranbarthol/Swyddfa Rheoli Rhaglenni sy'n gyfrifol am ddatblygu prosiectau. Mae'r swyddfa ranbarthol/Swyddfa Rheoli Rhaglenni yn nodi'r broses lle gall prosiectau ddod i mewn, cael eu hystyried a'u gwerthuso yn erbyn meini prawf penodol –yr Is-grŵp Economaidd a'r Bwrdd sydd wedyn yn penderfynu yn y pen draw ar ei gynnwys yn y Portffolio ai peidio.

Rhoddodd CJE y goblygiadau cyllido ychwanegol i'r Aelodau fel y nodir yn eitem 6 yr Adroddiad ynghyd â manylion y cam datblygu a chyflawni a'r tasgau a'r gofynion o ran adnoddau sy'n gysylltiedig, â'r goblygiadau cyfreithiol, adnoddau dynol ac ariannol.

Gofynnodd FS ymhle y bydd rôl y Swyddog Arweiniol Strategol yn cael ei rhoi o ran y lefel hynafedd y bydd yn cael ei gosod arni?

Esboniodd PG mai Adran Adnoddau Dynol Cyngor Sir Ceredigion sydd â'r rôl arweiniol ar gyfer recriwtio a'i bod yn sefydlu lefel hynafedd y swydd ac y bydd yn cael ei chymryd drwy'r broses Gwerthuso Swyddi. Dywedodd PG y bydd angen ystod o sgiliau ar gyfer y rôl ac mae'n hanfodol bod y penodiad yn cael ei wneud yn fuan i symud ymlaen ac arwain y broses o gytuno ar Benawdau'r Telerau yn yr hydref. Dywedodd PG, unwaith y bydd gwybodaeth wedi dod i law gan adran Adnoddau Dynol Ceredigion, y bydd yn cael ei chylchredeg i'r Aelodau.

Cytunodd yr aelodau y dylai'r rôl fod yn rôl dan contract a'i bod yn cael ei hailwerthuso ar ôl cam datblygu'r Fargen i bennu'r sgiliau angenrheidiol ar gyfer y rôl wrth symud ymlaen ac wrth i'r Fargen Twf esblygu, fodd bynnag, roedd yr Aelodau'n cydnabod ei bod yn bwysig gwneud penodiad ar sail tymor byr i arwain ar gytuno ar Benawdau'r Telerau erbyn yr Hydref. Dywedodd PG y gofynnir am geisiadau gan y ddau Awdurdod Lleol am y cam cyntaf i gynnal momentwm ar y parhad a adeiladwyd hyd yma.

CAM GWEITHREDU: Cytunodd yr aelodau y byddai angen trafodaeth bellach rhwng y ddau Awdurdod Lleol i wneud penodiad y Swyddog Arweiniol Strategol yn glir ar ôl i'r broses Adnoddau Dynol gael ei chwblhau a bod disgrifiad o'r swydd ar gael.

PENDERFYNIAD: Nododd yr aelodau'r sefyllfa ariannol ar gyfer 2019/20 a 2020/21 a chytunwyd ar y penawdau costau arfaethedig ar gyfer dyrannu'r gyllideb ar gyfer 2020/21. Nododd yr aelodau oblygiadau cyllid refeniw ychwanegol a pharhaus y Fargen Twf ar gyllidebau Awdurdod Lleol am y 10-15 mlynedd nesaf (cylch bywyd y fargen).

6.	DIWEDDARIAD LLYWODRAETHU <ul style="list-style-type: none">• TREFNIADAU CRAFFU RHANBARTHOL• GRŴP STRATEGAETH ECONOMAIDD• PARTNERIAETH DDYSGU A SGILIAU RANBARTHOL
-----------	---

Trefniadau Craffu Rhanbarthol

Cytunodd yr aelodau i drafodaeth bellach ymhlith swyddogion gael ei chynnal mewn perthynas â threfniadau craffu rhanbarthol gydag argymhelliad yn cael ei gyflwyno i'r Aelodau ei hystyried yn eu cyfarfod nesaf.

CAM GWEITHREDU: Argymhelliad y dylid cyflwyno trefniadau craffu rhanbarthol i Aelodau ym Mwrdd nesaf TCC (Cyd-bwyllgor) ar 1^{af} Hydref 2020.

Grŵp Strategaeth Economaidd

Cytunwyd y bydd cyfarfod Grŵp Strategaeth Economaidd yn cael ei drefnu ar gyfer dechrau mis Medi. Dywedodd CJE y bydd Adroddiad yn cael ei baratoi ar gyfer Aelodau'r Grŵp Strategaeth Economaidd yn y cyfamser i'w diweddarau ac i ymgysylltu â nhw. Bydd CJE hefyd yn paratoi'r weithdrefn Datgan Buddiant ar gyfer Aelodau.

Dywedodd FS fod Aelodau'r Grŵp Strategaeth Economaidd wedi bod yn cadw mewn cysylltiad trwy gyfarfodydd rhithwir ac yn cefnogi ei gilydd i weithredu polisiau a gweithdrefnau newydd ar gyfer eu busnesau oherwydd pandemig Covid-19 a'r ffyrdd newydd a gwahanol o weithio sy'n ofynnol ar gyfer y dyfodol.

Partneriaeth Ddysgu a Sgiliau Ranbarthol

Hysbysodd CT yr Aelodau fod LIC wedi darparu cyllid i wneud gwaith paratoi cychwynnol i sefydlu Partneriaeth Ddysgu a Sgiliau Ranbarthol ar gyfer Rhanbarth Canolbarth Cymru ac mae Powys yn arwain ar y gwaith. Bydd cyfarfodydd pellach yn cael eu cynnal gyda Cheredigion a LIC ac mae cynnydd yn cael ei wneud. Dywedodd CT y bydd cysylltu â'r gymuned fusnes yn allweddol i'r gwaith hwn i gysylltu ag anghenion busnesau ledled y rhanbarth o ran prentisiaethau a bylchau sgiliau. Dywedodd CT fod angen gwneud gwaith pellach hefyd ar y trefniadau llywodraethu. Dywedodd CT mai'r bwriad yw cyflwyno cynigion ar gyfer argymhelliad i'r Cyd-bwyllgor a LIC erbyn yr hydref i gadarnhau a fyddant yn gallu ariannu a chefnogi'r Partneriaeth Ddysgu a Sgiliau Ranbarthol yn yr hirdymor.

7. UNRHYW FATER ARALL

Dim.

8. DYDDIADAU CYFARFODYDD Y DYFODOL

14.00pm – 1^{af} Hydref 2020 – Lleoliad i'w gadarnhau

14.00pm – 4^{ydd} Rhagfyr 2020 – Lleoliad i'w gadarnhau

**Y Cynghorydd Sir Rosemarie Harris
Cadeirydd**